

Saksprotokoll i fylkestinget - 12.-13.06.2019

Fylkesordføreren gav slikt svar:

1. *«Vil fylkesordføreren ta kontakt med Sparebanken for å få etablert eit samarbeid om dagsturhytter i Hordaland? Kva andre aktørar ser ho føre seg som aktuelle samarbeidspartnarar for å kunne realisere dagsturhyttene?»*

Dagsturhytteprosjektet i Sogn og Fjordane har vore ein stor suksess, og dei fleste av hyttene er no på plass. Fylkesordføreren stiller seg positiv til å vidareføre arbeidet over eksisterande fylkesgrenser i heile nye Vestland fylke. Dette vil kunne bidra til å skape ein felles identitet og stoltheit over den flotte naturen me har i Vestland.

Fylkesrådmannen har vore i dialog med Sparebankstiftinga i Sogn og Fjordane i ein lengre periode om dette arbeidet og vil følgje opp desse samtalane. Stiftinga løyver midlar til ulike prosjekt som kjem sine kundar til gode (definert til Sogn og Fjordane). Styret har likevel vore positiv til å bidra med ei støtte på kr 100.000,- til kvar av hyttene i Hordalandskommunane. Det er halvparten av det kommunane i Sogn og Fjordane fekk i gåve. Det er difor trong for å finne finansiering for dei resterande kr 100.000,- for kvar hytte. Denne summen kan bli høgare då dei nye hyttene må leggjast ut på nytt anbod. I den prosessen må erfaringane så langt med hyttene i Sogn og Fjordane takast med i grunnlaget. Såleis er det behov for minimum kr 3,3 mill. eller kr 2,5 mill. avhengig av om det er dagens eller komande kommunestruktur.

Fylkesbiblioteket i Sogn og Fjordane har fått støtte frå Nasjonalbiblioteket til prosjektet Nynorske turbibliotek som skal plasserast i dagsturhyttene. I eit ev. Vestlandshytte-prosjekt vil det vere naturleg å søkje midlar til vidareføring av dette til dei nye hyttene.

Eit alternativ i høve til finansiering er å jobbe vidare med ein eller fleire nye aktørar som t.d. Sparebanken Vest, for å kunne fullfinansiere hyttene utan fylkeskommunale midlar til investering.

For å kunne gjennomføre dagsturhytteprosjektet må fylkeskommunen setje av interne ressursar m.a. på innkjøp og eigedom, fylkesbiblioteket og idrett og friluftsliv.

2. *Vil fylkesordføreren støtte å setje av delar av mindreforbruket i 2018 til et dagsturhytteprosjekt i Hordaland?*

Fylkesordførar ser positivt på tiltaket, men viser Fylkestingsmøte 12. og 13. juni, PS 28/19 Godkjenning av årsrekneskap 2018. Fylkesordførar vil ikkje forskotere bruken av desse midlane, og ser det som naturleg at dette vert drøfta når saka vert behandla.

3. *Kva for prosess ser fylkesordføreren føre seg vidare for å kunne starte opp eit dagsturhytteprosjekt i Hordaland?*

Det er avgjerande å få på plass eksterne samarbeidspartar i høve til finansieringa. Erfaringare frå arbeidet i Sogn og Fjordane må vere grunnlaget for eit felles Vestlandsprosjekt. Prosjektet vert m.a. evaluert av FOU-miljø.

Prosjektet må organiserast slik at dei ulike eksterne og interne aktørane får klart definert ansvar og roller i arbeidet. Nødvendige interne ressursar må setjast av.

Fylkesordføreren foreslår at det vert lagt fram ei sak for fylkestinget i Vestland om vidareføring av dagsturhyttene i heile det nye fylket. Kommunane i Sogn og Fjordane vil i fase 2 få tilbod om å etablere fleire dagsturhytter i sine tettstadar. Såleis kan det vere tenleg å gje tilbod til dei større kommunane i nye Vestland om å etablere dagsturhytter i tettstader for å nå flest mogleg innbyggjarar. I fleire av dei nye kommunane i nye Vestland fylke er det store geografiske avstandar.»

I samband med interpellasjonen vart det frå interpellanten Aleksander Fosse Andersen (SP) sett fram slikt forslag til vedtak:

«Fylkestinget i Hordaland er positivt til å etablere dagsturhytter i Hordaland og ber administrasjonen leggje fram sak til politisk handsaming så raskt som mogleg.»

Røysting

Det var 54 representantar til stades.

Fosse Andersen sitt forslag vart samrøystes vedteke.

Vedtak

Fylkestinget i Hordaland er positivt til å etablere dagsturhytter i Hordaland og ber administrasjonen leggje fram sak til politisk handsaming så raskt som mogleg.